

III. OUTRAS DISPOSICIÓNS

CONSELLERÍA DE TRABALLO E BENESTAR

ORDE do 30 de decembro de 2011 pola que se modifican as bases reguladoras para a concesión de axudas para o fomento e consolidación das asociacións de cooperativas e de sociedades laborais e se procede á súa convocatoria para o ano 2012.

A Comunidade Autónoma de Galicia asumiu a competencia exclusiva en materia de cooperativas en virtude da transferencia feita pola Lei orgánica 16/1995, do 27 de decembro, ampliando a recollida no artigo 28.7.º do Estatuto de autonomía de Galicia.

En virtude desta competencia, a Lei 5/1998, do 18 de decembro, de cooperativas de Galicia, recoñece de interese social a promoción e o desenvolvemento das sociedades cooperativas e das súas estruturas de integración económica e representativa, dispoñendo que a Xunta de Galicia, a través da consellería competente en materia de traballo, realizará unha política de fomento do movemento cooperativo e adoptará as medidas necesarias para promover a constitución e o desenvolvemento das cooperativas.

Segundo o disposto no Decreto 335/2009, do 11 de xuño, modificado polo Decreto 9/2011, do 20 de xaneiro (DOG n.º 24, do 4 de febreiro), polo que se establece a estrutura orgánica da Consellería de Traballo e Benestar, correspóndelle a esta o exercicio das competencias e funcións en materia de cooperativas e outras entidades de economía social, entre as que se atopan as entidades representativas das sociedades cooperativas e das sociedades laborais.

O Programa Operativo do Fondo Social Europeo de Galicia 2007-2013 recolle no seu eixe número 4 as estratexias dirixidas á promoción da cooperación transnacional e interrexional.

Neste marco e, concretamente, desenvolvendo o seu tema prioritario número 80, imputaranse distintas accións elixibles como as redes de intercooperación no ámbito da economía social, a promoción do emprendemento cooperativo e os servicios de información, orientación e asesoramento.

As axudas establecidas nesta orde para o fomento e consolidación do asociacionismo e para a realización de actividades de promoción intégranse dentro das accións que a Con-

sellería de Traballo e Benestar pretende levar a cabo para conseguir un axeitado desenvolvemento das estruturas representativas do cooperativismo e a economía social.

A través desta orde subvenciónanse os gastos de funcionamento das asociacións de cooperativas e de sociedades laborais, así como as actividades de promoción do cooperativismo e da economía social realizadas por estas. Igualmente, promóvese a modalidade de fomento do emprendemento en rede, co que se reforza a participación e integración das asociacións na Rede de centros de desenvolvemento cooperativo e da economía social en Galicia.

A Orde do 25 de febreiro de 2011 (DOG n.º 46, do 8 de marzo) establece as bases reguladoras para a concesión de axudas para o fomento e consolidación das asociacións de cooperativas e sociedades laborais.

Neste marco de actuación, as bases reguladoras axústanse ao disposto na Lei 9/2007, do 13 de xuño, de subvencións de Galicia, en especial, no relativo aos principios de transparencia, eficacia e eficiencia na xestión e no Decreto 11/2009, do 8 de xaneiro, polo que se aproba o seu regulamento, e na Lei 38/2003, do 17 de novembro, xeral de subvencións.

Por todo o exposto, consultados o Consello Galego de Cooperativas e o Consello Galego de Relacións Laborais, e de conformidade coas atribucións que teño conferidas polo artigo 34 da Lei 1/1983, do 22 de febreiro, reguladora da Xunta e da súa Presidencia,

DISPOÑO:

Artigo 1. *Obxecto e finalidade.*

O obxecto desta orde é a modificación das bases reguladoras das axudas para o fomento e consolidación das asociacións de cooperativas e sociedades laborais aprobadas mediante a Orde do 25 de febreiro de 2011 (DOG n.º 46, do 8 de marzo) e proceder á súa convocatoria, en réxime de concorrencia competitiva, para o exercicio orzamentario de 2012.

A finalidade destas axudas é o fomento e consolidación das estruturas representativas do cooperativismo e a economía social, principalmente as asociacións de cooperativas e de sociedades laborais, subvencionando parcialmente os seus gastos normais de funcionamento e a realización de actividades de promoción do cooperativismo e a economía

social, así como a realización de actividades de fomento do emprendemento realizadas en rede.

Sección 1.^a Modificación das bases reguladoras das axudas para o fomento e consolidación das asociacións de cooperativas e sociedades laborais

Artigo 2. Modificación das bases reguladoras.

Introdúcese a seguinte modificación nas bases reguladoras das axudas para o fomento e consolidación das asociacións de cooperativas e sociedades laborais, aprobadas mediante a Orde do 25 de febreiro de 2011 (DOG n.º 46, do 8 de marzo):

Modifícase o artigo 5 no seu número 2 e queda redactado como segue:

«Nas convocatorias anuais de axudas amparadas nestas bases establecerase a contía máxima de subvención que poderá acadar cada beneficiario para cada unha das modalidades previstas no artigo 4 (gastos normais de funcionamento, actividades de promoción de cooperativismo e economía social e actividades en rede)».

Sección 2.^a Convocatoria de axudas para o ano 2012

Artigo 3. Convocatoria.

Convócanse para o ano 2012, en réxime de concorrencia competitiva, as axudas para os programas de fomento e consolidación das asociacións de cooperativas e de sociedades laborais, reguladas polas bases da Orde do 25 de febreiro de 2011 e a súa modificación recollida na sección 1.^a desta orde.

As condicións destas axudas no que respecta ás epígrafes e) requisitos para solicitar a subvención, f) órganos competentes para instruír e resolver o procedemento, h) prazo de resolución e notificación, i) documentos e informacións que deben achegarse á petición, k) fin da vía administrativa e recursos, l) criterios de valoración das solicitudes e n) notificación e publicación do artigo 20.2 da Lei 9/2007, do 13 de xuño, de subvencións de Galicia, quedan reflectidas nos artigos 6, 7, 8, 9 e 10 das bases reguladoras contidas na Orde do 25 de febreiro de 2011 (DOG n.º 46, do 8 de marzo).

Artigo 4. *Contía e límites das axudas.*

1. A contía das axudas previstas non poderá superar o 80% dos gastos necesarios para a realización das actividades, que poderán contar, así mesmo, con outros financiamentos sen que en ningún caso excedan a contía realmente xustificada e non achegada pola Xunta de Galicia.

2. A contía máxima da subvención non poderá exceder os oitenta mil euros (80.000 euros) por beneficiaria para a modalidade de actividades de promoción do cooperativismo e a economía social, de oitenta mil euros (80.000 euros) por beneficiaria para a modalidade de actividades en rede, e de douscentos mil euros (200.000 euros) por beneficiaria para a modalidade de gastos normais de funcionamento.

3. Establécense, así mesmo, os seguintes límites subvencionables para as actividades que se indican a continuación:

– Actividades divulgativas e formativas de duración igual ou inferior a 10 horas: ata un máximo de dous mil euros (2.000 euros).

– Actividades divulgativas e formativas de duración superior a 10 horas: o límite será a contía resultante de multiplicar o número de horas de duración efectiva por douscentos euros (200 euros), ata un máximo de cinco mil euros (5.000 euros).

– Asesoramento a emprendedores e público en xeral: ata un máximo de vinte euros (20 euros) por hora de atención e vinte mil euros (20.000 euros) por beneficiaria.

– Asistencia a feiras, mostras e congresos ata un máximo de cinco mil euros (5.000 euros) por beneficiaria.

Artigo 5. *Presentación de solicitudes.*

O prazo de presentación de solicitudes será dun mes contado a partir do día seguinte ao da publicación desta orde no *Diario Oficial de Galicia*.

Entenderase como último día do prazo o correspondente ao mesmo ordinal do día da publicación. Se o último día fose inhábil entenderase prorrogado ao primeiro día hábil seguinte e se no mes de vencemento non houberse día equivalente ao inicial do cómputo entenderase que o prazo expira o último do mes.

As solicitudes presentaranse en formato papel, debidamente asinadas e seladas e presentaranse por calquera das formas previstas no artigo 38.4.º da Lei 30/1992, do 26 de novembro, modificada pola Lei 4/1999, do 13 de xaneiro, de réxime xurídico das administracións públicas e do procedemento administrativo común.

Así mesmo, tamén poderán presentarse electronicamente a través da sede electrónica da Xunta de Galicia no enderezo <https://sede.xunta.es>.

As solicitudes deberán ir acompañadas da seguinte documentación:

– Fotocopia compulsada da tarxeta acreditativa do número de identificación fiscal da entidade solicitante.

– Ficha de solicitude da transferencia bancaria segundo o anexo IV desta orde.

– Declaración do conxunto de todas as solicitudes efectuadas, ou concedidas, para o mesmo proxecto ou actividade, perante as administracións públicas competentes ou outros entes públicos, segundo modelo que figura como anexo III desta orde.

– Memoria asinada polo órgano competente, segundo modelo que figura como anexo II desta orde.

– Orzamento detallado dos gastos normais de funcionamento para os que se solicita a subvención, cuantificado economicamente en todas as súas epígrafes.

– Proposta das actividades de promoción do cooperativismo e a economía social para as que se solicita a subvención, especificando a súa finalidade, as persoas destinatarias e os medios previstos para a súa realización, así como informe relativo á capacidade profesional das persoas intervinientes e un orzamento detallado, cuantificado economicamente en todas as súas epígrafes, que concrete a achega que realizará a entidade solicitante no seu financiamento.

– No caso de asociacións de sociedades laborais, certificación acreditativa das inscricións practicadas no rexistro público onde figure inscrita e fotocopia compulsada dos estatutos sociais e as súas modificacións, se é o caso, así como relación de entidades socias debidamente certificada.

Permanecen válidos os anexos de solicitude que se recollen nas bases reguladoras establecidas na Orde do 25 de febreiro de 2011 (DOG n.º 46, do 8 de marzo).

Non obstante e a modo de apoio, os formularios de solicitude poderán ser obtidos, cubertos e validados pola entidade solicitante a través da aplicación informática a cal se accederá pola páxina web da Consellería de Traballo e Benestar (<http://traballoebenestar.xunta.es>). Para os efectos de facilitar que estes formularios se cubran correctamente, no citado enderezo da internet dispórase de instrucións de axuda, que deberán ser observadas en todo momento polos solicitantes. Así mesmo, a propia aplicación informática disporá tamén de instrucións de axuda, de xeito que poidan ir visualizándose a medida que se vaian cubrindo os formularios. En caso de dúbida, dificultades técnicas ou necesidades de máis información durante o proceso de obtención dos formularios, os solicitantes poderán dirixirse á Dirección Xeral de Relacións Laborais.

Artigo 6. Período de execución das accións.

O período de execución das accións elixibles para ser subvencionadas será o comprendido entre o 1 de novembro do ano 2011 e o 31 de outubro do ano 2012.

Artigo 7. Xustificación das accións subvencionadas.

As entidades beneficiarias das axudas deberán xustificar o investimento conforme o establecido na resolución de concesión, nos termos previstos no artigo 11 da Orde do 25 de febreiro de 2011 (DOG n.º 46, do 8 de marzo), e solicitar os correspondentes pagamentos, mediante solicitude conforme ao modelo do anexo V.

A data máxima de xustificación das accións subvencionadas será o 10 de novembro de 2012.

Artigo 8. Financiamento.

1. A concesión das axudas previstas nesta orde estará suxeita á existencia de crédito orzamentario e realizarase con cargo á aplicación 12.03.324A 481.1 cunha contía inicial de seiscentos mil euros (600.000 euros) da Dirección Xeral de Relacións Laborais.

2. Para os gastos normais de funcionamento e de promoción de cooperativismo e economía social destinaranse trescentos cincuenta mil euros (350.000 euros) de fondos propios da Comunidade Autónoma de Galicia.

3. Para atender a modalidade de actividades en rede reservárase a cantidade de douscentos cincuenta mil euros (250.000 euros) correspondentes a fondos cofinanciados polo Fondo Social Europeo (ao 80%) e fondos propios que cofinancian (ao 20%).

Artigo 9. *Tramitación anticipada.*

Esta orde tramítase de acordo co establecido no artigo 25 do Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia, en que se regula a tramitación anticipada de expedientes de gasto e tamén de conformidade coa Orde da Consellería de Economía e Facenda do 11 de febreiro de 1998 pola que se regula a tramitación anticipada de expedientes de gasto, modificada pola Orde do 27 de novembro de 2000 e pola Orde do 25 de outubro de 2001, que posibilitan a tramitación anticipada dos expedientes de gasto no exercicio inmediatamente anterior ao dos orzamentos con cargo aos cales se vai imputar o correspondente gasto.

Deste xeito a súa eficacia queda condicionada á existencia de crédito adecuado e suficiente nos orzamentos da Comunidade Autónoma de Galicia para o próximo ano 2012, no momento da resolución.

Disposición adicional primeira.

A Consellería de Traballo e Benestar poderá requirir en todo momento a documentación orixinal que se considere necesaria para acreditar mellor o exacto cumprimento das condicións exixidas nesta orde.

Disposición adicional segunda.

Apróbase a delegación de atribucións da persoa titular da Consellería de Traballo e Benestar na persoa titular da Dirección Xeral de Relacións Laborais para autorizar, dispoñer, recoñecer a obriga e propoñer os correspondentes pagamentos ou a súa revogación, así como para resolver os procedementos de reintegro das subvencións indebidamente percibidas.

Disposición derradeira primeira.

Facúltase a persoa titular da Dirección Xeral de Relacións Laborais para ditar, no ámbito das súas competencias, as resolucións e instrucións necesarias para o desenvolvemento e cumprimento desta orde.

Disposición derradeira segunda.

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 30 de decembro de 2011.

Beatriz Mato Otero
Conselleira de Traballo e Benestar



XUNTA DE GALICIA
CONSELLERÍA DE TRABALLO
E BENESTAR

ANEXO I



UNIÓN EUROPEA
FONDO SOCIAL EUROPEO
O FSE inviste no teu futuro

EXPEDIENTE

PROCEDEMENTO AXUDAS PARA O FOMENTO E CONSOLIDACIÓN DAS ASOCIACIÓNS DE COOPERATIVAS E DE SOCIEDADES LABORAIS	CÓDIGO DO PROCEDEMENTO TR802H	DOCUMENTO SOLICITUDE
---	---	--------------------------------

DATOS DO/A SOLICITANTE

RAZÓN SOCIAL		NIF	
<input type="text"/>		<input type="text"/>	
ENDEREZO (SERÁ USADO PARA EFECTOS DE COMUNICACIÓN E NOTIFICACIÓN)			
<input type="text"/>			
RÚA OU PRAZA	PROVINCIA	LOCALIDADE	
<input type="text"/>	<input type="text"/>	<input type="text"/>	
CÓDIGO POSTAL	TELÉFONO	FAX	CORREO ELECTRÓNICO
<input type="text"/>	<input type="text"/>	<input type="text"/>	<input type="text"/>
REGISTRO ONDE FIGURA INSCRITA A ENTIDADE		DATA INSCRICIÓN	Nº REGISTRO
<input type="text"/>		<input type="text"/>	<input type="text"/>

E, na súa representación

APELIDOS	NOME	DNI
<input type="text"/>	<input type="text"/>	<input type="text"/>
CARGO NA ENTIDADE	CORREO ELECTRÓNICO	
<input type="text"/>	<input type="text"/>	

ACTIVIDADES PROPOSTAS	Tipo (*)					Uds. (**)	Orzamento	% Axuda	Axuda
	I	II	III	IV	V				
1. Gastos normais de funcionamento (total)									
2. Actividades de promoción do cooperativismo (total)									
2.1. <input type="text"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="text"/>	<input type="text"/>	<input type="text"/>	<input type="text"/>
2.2. <input type="text"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="text"/>	<input type="text"/>	<input type="text"/>	<input type="text"/>
2.3. <input type="text"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="text"/>	<input type="text"/>	<input type="text"/>	<input type="text"/>
3. Actividades en rede (total)									
3.1. <input type="text"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="text"/>	<input type="text"/>	<input type="text"/>	<input type="text"/>
3.2. <input type="text"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="text"/>	<input type="text"/>	<input type="text"/>	<input type="text"/>
3.3. <input type="text"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="text"/>	<input type="text"/>	<input type="text"/>	<input type="text"/>

(*) Indique con X o tipo de actividade que proceda

 Tipo I: divulgativas ou formativas de 10 horas ou menos
 Tipo III: asesoramento a emprendedores e público en xeral
 Tipo V: outras actividades elixibles

 Tipo II: divulgativas ou formativas de máis de 10 horas
 Tipo IV: asistencia a feiras, mostras e congresos

(***) Indique o número de unidades se procede

Presta expresamente o seu consentimento á Consellería de Traballo e Benestar para incluír e facer públicos, no rexistro regulado no Decreto 132/2006, do 27 de xullo, os datos relevantes referidos ás axudas e subvencións recibidas, así como ás sancións impostas (os dereitos de acceso, rectificación, cancelación e oposición de datos de carácter persoal exercéranse ante o CIXTEC como órgano responsable dos ficheiros, rúa Domingo Fontán, 9, 15702 Santiago de Compostela, de conformidade coas prescricións da Lei orgánica 15/1999, do 13 de decembro, de protección de datos de carácter persoal).

Autoriza expresamente a Consellería de Traballo e Benestar para que, de acordo co establecido nos puntos 3 e 4 do artigo 13 da Lei 4/2006, do 30 de xuño, de transparencia e de boas prácticas na Administración pública galega, publique as subvencións concedidas ao abeiro desta orde no *Diario Oficial de Galicia* e na súa páxina web oficial, con expresión do beneficiario, a contía e a súa finalidade.

En cumprimento do disposto no artigo 5 da Lei orgánica 15/1999, de protección de datos de carácter persoal, infórmaselle de que os datos persoais recollidos nesta solicitude, serán incorporados a un ficheiro para o seu tratamento coa finalidade da xestión deste procedemento. Se o dexera, pode exercer os dereitos de acceso, rectificación, cancelación e oposición previstos na lei, dirixindo un escrito a esta consellería como responsable do ficheiro, no enderezo que figura ao pé desta solicitude.

LEXISLACIÓN APLICABLE Orde do 30 de decembro de 2011 pola que se modifican as bases reguladoras para a concesión de axudas para o fomento e consolidación das asociacións de cooperativas e de sociedades laborais e se procede á súa convocatoria para o ano 2012.	(Para cubrir pola Administración) RECIBIDO <input type="text"/> REVISADO E CONFORME <input type="text"/>	NÚMERO DE EXPEDIENTE <input type="text"/> DATA DE ENTRADA ___/___/___ DATA DE EFECTOS ___/___/___ DATA DE SAÍDA ___/___/___
SINATURA DO/A SOLICITANTE OU PERSOA QUE O/A REPRESENTA _____, de _____ de _____		

Dirección Xeral de Relacións Laborais. Edificio administrativo San Lázaro, s/n, 15781 Santiago de Compostela



XUNTA DE GALICIA

ISSN1130-9229

Depósito legal C.494-1998

<http://www.xunta.es/diario-oficial-galicia>

ANEXO I
(continuación)

CRITERIOS DE VALORACIÓN			
<i>Aplicables a gastos normais de funcionamento</i>	<i>Si *</i>	<i>Uds.</i>	<i>Ptos.**</i>
Polo número de asociados/as.	<input type="checkbox"/>	<input type="checkbox"/>	<input type="checkbox"/>
Por cada local de atención ás entidades asociadas en funcionamento, cun horario mínimo de apertura de 35 horas semanais. Se o horario resulta inferior reducirase proporcionalmente a puntuación.	<input type="checkbox"/>	<input type="checkbox"/>	<input type="checkbox"/>
Pola participación no Consello Galego de Cooperativas.	<input type="checkbox"/>	<input type="checkbox"/>	<input type="checkbox"/>
Por cada traballador ou traballadora a tempo completo, no caso de traballo a tempo parcial reducirase proporcionalmente a puntuación.	<input type="checkbox"/>	<input type="checkbox"/>	<input type="checkbox"/>
Pola existencia de páxina web operativa e actualizada.	<input type="checkbox"/>	<input type="checkbox"/>	<input type="checkbox"/>
Pola integración da asociación nunha entidade de intercooperación.	<input type="checkbox"/>	<input type="checkbox"/>	<input type="checkbox"/>
<i>Aplicables a actividades de promoción e rede</i>	<i>Si *</i>	<i>Uds.</i>	<i>Ptos.**</i>
Pola adecuación aos obxectivos e liñas de actuación do Plan Estratéxico para Cooperativismo.	<input type="checkbox"/>	<input type="checkbox"/>	<input type="checkbox"/>
Por propostas formativas ou divulgativas dirixidas a fomentar a incorporación das mulleres aos órganos sociais das cooperativas e sociedades laborais e postos directivos en xeral.	<input type="checkbox"/>	<input type="checkbox"/>	<input type="checkbox"/>
Por propostas innovadoras ou que pola súa singularidade acheguen novos enfoques e perspectivas ao cooperativismo e á economía social ou á súa promoción.	<input type="checkbox"/>	<input type="checkbox"/>	<input type="checkbox"/>
Pola solvencia da entidade solicitante para levar a cabo a actividade, acreditada mediante memoria específica, e cumprimento dos compromisos derivados das actividades subvencionadas anteriormente, de ser o caso.	<input type="checkbox"/>	<input type="checkbox"/>	<input type="checkbox"/>
Pola adecuación dos medios previstos e viabilidade do proxecto presentado.	<input type="checkbox"/>	<input type="checkbox"/>	<input type="checkbox"/>
Polo emprego da lingua galega na realización das actividades para as que solicita a axuda.	<input type="checkbox"/>	<input type="checkbox"/>	<input type="checkbox"/>

(*) Marcar cun X aqueles criterios que se consideren aplicables ás actividades propostas e o número de unidades, se procede.
(**) Para cubrir pola Administración.

DOCUMENTACIÓN COMPLEMENTARIA

- Fotocopia compulsada da tarxeta acreditativa do número de identificación fiscal da entidade solicitante.
- Ficha de solicitude da transferencia bancaria segundo o anexo IV desta orde.
- Declaración do conxunto de todas as solicitudes efectuadas, ou concedidas, para o mesmo proxecto ou actividade, ante as administracións públicas competentes ou outros entes públicos, segundo o modelo que figura como anexo III desta orde.
- Memoria, asinada polo órgano competente, segundo o modelo que figura como anexo II desta orde.
- Orzamento detallado dos gastos normais de funcionamento para os cales se solicita a subvención, cuantificado economicamente en todas as súas epígrafes.
- Proposta das actividades de promoción do cooperativismo e da economía social para as cales se solicita a subvención, especificando a súa finalidade, as persoas destinatarias e os medios previstos para a súa realización, así como informe relativo á capacidade profesional das persoas intervinientes e un orzamento detallado, cuantificado economicamente en todas as súas epígrafes, que concrete a achega que realizará á entidade solicitante no seu financiamento.
- No caso de asociacións de sociedades laborais, certificación acreditativa das inscricións practicadas no rexistro público onde figure inscrita e fotocopia compulsada dos estatutos sociais e as súas modificacións, se é o caso, así como relación de entidades sociais debidamente certificadas.

DECLARA QUE:

- a) Todos os datos que constan nesta solicitude e nos documentos que se xuntan son certos.
- b) Non se incorre en ningunha das prohibicións ou incompatibilidades sinaladas no artigo 12 da Orde do 25 de febreiro de 2011 (DOG n.º 46, do 8 de marzo).
- c) Comunicaranlle ao órgano que conceda a axuda calquera modificación das condicións tidas en conta no momento da concesión, así como dos compromisos e obrigas asumidas polo/a beneficiario/a e, se é o caso, a obtención de subvencións ou axudas para a mesma finalidade procedentes de calquera Administración ou ente público nacional ou internacional.
- d) Sométese ás actuacións de control, comprobación ou inspección que efectuará a Consellería de Traballo e Benestar, ás de control financeiro que lle correspondan, se é o caso, á Intervención Xeral da Comunidade Autónoma, ás previstas na lexislación do Tribunal de Contas e do Consello de Contas, ou a outros órganos da Administración do Estado ou da Unión Europea.
- e) Autorízase a obtención dos certificados establecidos no artigo 6 da Orde do 25 de febreiro de 2011 (DOG n.º 46, do 8 de marzo).
- f) Autorizo a consellería de conformidade co artigo 2 do Decreto 255/2008, do 23 de outubro, e coa Orde da Consellería de Presidencia, Administracións Públicas e Xustiza, do 7 de xullo de 2009 que o desenvolve, para a consulta dos meus datos de identidade no sistema de verificación de datos de identidade.

SI NON (neste caso presentar a documentación)

SOLICITA:

Nos termos descritos na documentación que se xunta, a subvención indicada na parte superior.

Lugar e data

_____ de _____ de _____

Sinatura do/a representante legal e selo da entidade

CVE-DOG: 5fc76t2-bhg4-wyd6-lmu4-p4xnxk8tzqy5

**ANEXO II
MODELO DE MEMORIA**

ENTIDADE SOLICITANTE

RELACIÓN NOMINAL DE ASOCIADOS/AS

ENTIDADE	Nº TOTAL SOCIOS/AS QUE AGRUPAN (1)	VOLUME OPERACIÓNS
----------	------------------------------------	-------------------

(1) No caso de que sexa unha cooperativa de segundo grao, debe especificarse o número de socios/as que agrupan as de primeiro grao integradas nela

CENTROS DE TRABALLO

ENDEREZO		
PROVINCIA	LOCALIDADE	Nº DE TRABALLADORES/AS

RELACIÓN HABITUAL CON ENTIDADES OU ORGANISMOS

NOME	
COLABORADOR HABITUALMENTE	PARTICIPA E/OU ESTÁ INTEGRADA

SERVIZOS QUE PRESTA AOS/ÁS ASOCIADOS/AS	
BREVE DESCRICIÓN DAS ACTIVIDADES REALIZADAS DURANTE O ANO 2011	
SUBVENCIÓNS RECIBIDAS DAS DISTINTAS ADMINISTRACIÓNS OU ENTES PÚBLICOS DURANTE O ANO 2011	
ACTIVIDADES PREVISTAS PARA O ANO 2012	
SITUACIÓN FINANCEIRA (BALANCE A 31.12.2011)	
ORZAMENTO DE INGRESOS E GASTOS PARA O ANO 2012	
GASTOS PARA OS CALES SE SOLICITA A AXUDA	
GASTOS NORMAIS DE FUNCIONAMENTO:	
- ALUGUERES E GASTOS DE MANTEMENTO DE LOCAIS E EQUIPAMENTOS	
- GASTOS DE PERSOAL	
- GASTOS DE COMUNICACIÓNS, MATERIAL DE OFICINA E PUBLICACIÓNS DIVERSAS	
- MANTEMENTO DA PÁXINA WEB	
- COTAS ASOCIATIVAS A ENTIDADES DE INTERCOOPERACIÓN DE ÁMBITO SUPERIOR Á COMUNIDADE AUTÓNOMA	
- GASTOS DE REPRESENTACIÓN E PARTICIPACIÓN EN CONGRESOS, SEMINARIOS, XORNADAS E SIMILARES	
- REALIZACIÓN DE ASEMBLEAS E REUNIÓNS	
- SERVIZOS PROFESIONAIS	

OBSERVACIÓNS

O/A abaixo asinante, no seu propio nome e no da entidade representada, faise plenamente responsable da veracidade dos datos consignados nesta memoria.

LUGAR E DATA	SINATURA
, de de	

CVE-DOG: 5fc76t2-bhg4--lmu4-p4xnxkh8tzqy5

ANEXO III
DECLARACIÓN EXPRESA DOUTRAS AXUDAS

EXP. N.º

PROCEDEMENTO	CÓDIGO DE PROCEDEMENTO

Don/Dona _____, con DNI n.º _____
en nome e representación da entidade _____
con NIF/CIF n.º _____, en calidade de _____

DECLARA, BAIXO A SÚA RESPONSABILIDADE:

Relaciona a continuación as axudas e subvencións solicitadas e/ou obtidas para a mesma finalidade ou proxecto das distintas administracións públicas:

AXUDAS CONCEDIDAS:

ANO	ORGANISMO	IMPORTE €	TIPO DE AXUDA	DISPOSICIÓN REGULADORA

AXUDAS SOLICITADAS:

ANO	ORGANISMO	IMPORTE €	TIPO DE AXUDA	DISPOSICIÓN REGULADORA

Así mesmo, o/a solicitante comprométese a comunicar inmediatamente cantas axudas solicite ou obteña para a mesma actuación doutras administracións públicas ou doutros entes públicos ou privados, nacionais ou internacionais, a partir da data desta declaración.

E, para que así conste ante o órgano competente, asina esta declaración no lugar e data abaixo indicados.

_____, de _____ de _____

(Sinatura e selo da entidade)

ANEXO IV

EXPEDIENTE
CÓDIGO DO PROCEDEMENTO

FICHA DE SOLICITUDE DE TRANSFERENCIA BANCARIA

TITULAR DA CONTA		NIF	
<input type="text"/>		<input type="text"/>	
ENDEREZO			
<input type="text"/>			
PROVINCIA	CONCELLO	CÓDIGO POSTAL	TELÉFONO
<input type="text"/>	<input type="text"/>	<input type="text"/>	<input type="text"/>

DATOS DA CONTA

CÓDIGO DO BANCO	CÓDIGO DA SUCURSAL	DÍXITOS DE CONTROL	CÓDIGO DA CONTA CORRENTE
<input type="text"/>	<input type="text"/>	<input type="text"/>	<input type="text"/>
ENTIDADE FINANCEIRA	ENDEREZO		
<input type="text"/>	<input type="text"/>		
PROVINCIA	LOCALIDADE	CÓDIGO POSTAL	
<input type="text"/>	<input type="text"/>	<input type="text"/>	

CERTIFICO:

Que os datos arriba reflectidos son correctos e corresponden ao/á titular e número de conta.

_____ de _____ de _____

Sinatura do/a solicitante

Sinatura e selo da entidade financeira

ANEXO V

SOLICITUDE DE PAGAMENTO

ACTIVIDADES	Axuda concedida		Uds.	Orzamento executado		Xustificante n.º orde (*)
	Orzamento	Axuda		Orzamento	Axuda	
1. Gastos normais de funcionamento						
2. Actividades de promoción ao cooperativismo (total)						
2.1.						
2.2.						
2.3.						
3. Actividades en rede (total)						
3.1.						
3.2.						
3.3.						

RELACIÓN DE DOCUMENTOS XUSTIFICATIVOS			
N.º orde (*)	Denominación	Número	Importe
1			
2			
3			
4			
5			
6			
7			
8			
9			
10			
11			
12			
13			
14			

DOCUMENTACIÓN QUE SE ACHEGA COA SOLICITUDE DE PAGAMENTO

Certificación detallada expedida polo secretario da asociación, con visto e prace do seu presidente, dos gastos realizados.

Relación detallada das facturas/documentación dos gastos.

Facturas e outros documentos xustificativos cos documentos acreditativos dos pagamentos correspondentes.

No caso de actividades formativas, relación de asistentes co número do DNI asinada por todos eles.

Memoria resumo da execución do programa subvencionado (en papel e formato dixital).

Copia de todos os documentos xerados (en papel e formato dixital).

Documentación acreditativa da repercusión pública das accións executadas (cando proceda).

Declaración complementaria do conxunto de axudas solicitadas para a mesma actividade.

Lugar e data

_____ de _____ de _____

Sinatura do/a representante legal e selo da entidade